



PAMFLET  
602







July

folio - 211

W 543

**E** Sarachtich verhael  
van tghene dat binnen der Stadt van Brugge  
gheshiet is inde maent van Julius 1582.

Inhoudende

De middelen die de Coninck van Spanien wederomme heeft willen te  
wercke stellen om den Hertoghe van Brabant/Ghelderlandt/Anjou  
Alençon/ etc. Grave van Vlaendren/ Hollandt/ Zeelandt/  
etc. ende den Prince van Orangie het leven te bene-  
men met vergift oft deur eenighe andere  
moorderpe.



Anno/ M. D. Lxxxij.

602

11

1500  
The first part of the book is a  
history of the city of Amsterdam  
from its foundation to the year 1600.  
The second part is a description of  
the city and its environs.  
The third part is a history of the  
Dutch Republic from its foundation  
to the year 1600.  
The fourth part is a description of  
the Dutch Republic and its  
environs.



1500



**E**en warachtighe gheschiedenisse die binnen de vermaerde Coopstadt  
 Stadt van Brugge in het Jaer 1582. ghebeurt is/ deur dien dat Coninck  
 Philips van Spanië wederomme nieuwe Verraders ende Moorders  
 ghehuert ende wtghezonden heeft/ om den Hertoghe van Brabant/  
 Ghelderlandt/ Anjou/ Metchon/etc. Graue van  
 Vlaenderen/ Hollant/ Zeelandt/etc. ende den Prince  
 van Orangie het leven te benemen met vergift/  
 oft deur eenighe andere moorderpe.

**A**lsoo Coninck Philips van Spanien  
 ober zijn ondersaten inde Nederlanden zoo grouwelick en  
 onverzagelick tyranniseerde/ dat sy hem wt gedwongen  
 noot moesten af vallen ende eenen anderen Heere kiezen  
 die heurlieder soude beschermē tegē zijn geduerige wreethet/  
 ende daer toe vercozen hadden den Hertoghe van Anjou eenighe  
 Broeder des Coninck van Brancrijcke/  
 zoo heeft Coninck Philips beghinnen den moer verlozen te gheuen dat  
 hy die inwoonders vande Nederlanden emmermeer wederomme onder  
 zijn tyrannie zoude connen brynghe met recht nochte met ghewelt. Daer-  
 omme heeft hy voer hem ghenomē te proefuen oft hy voortane met moor-  
 derpen wederomme conne gheraken tot zijn tyranniseren ende persecuerē  
 ouer de Inwoonders vande Nederlanden/om dat sy de Religie hadden ghe-  
 reformeert. En so hem zyne moort die hy meende te doen aen den Prince  
 van Orangie deur zyne gehuerde Spaensche schelmen Asunca/ Alastro en  
 Lauregus was ghesaelt en ghemist/ heeft hy deur zijnder Bastaerde zu-  
 sters Zouē de Prince van Parma ghepractiseert om anderen en nieuwen  
 middel te vindē/ niet alleene om nu den Prince van Orangie/ maer ooc den  
 ghecozen en bezwozen Hertoghe van Brabant/ Gelberlandt/etc. t leuen te  
 benemen deur vergift oft eenighe andere moorderpe/ hope de dat hy tot al-  
 sulcken voornemen also wel zoude connen gherake deur eenen van zijnder  
 Spaensche Natie ghenaemt Salcedo/ ghelyc hy tot zijn voornemē gerocht  
 was om te dooden zijn epghe hupsvrouwe Coninghinne Elizabeth of Ma-  
 bella/dochter ende Zuster des Coninck van Brancrijcke ende den ionghē  
 Prince Don Carle zynen eenighen Zouē/ deur eenen van zyne Spaniardē  
 ghenaemt Ruygomez/wesende zynen Coppelaer aen Concubinenen/ deur  
 eenen Spaenschen Monick wesende zynen Biechthoorder. Maer al is hy  
 voorspoedich gheweest int volbringhē met quade cause die doodinghe van  
 zijn hupsvrouwe en zynen Zouē/ so en heeft hem God de Heere dese voors-  
 ghenomen moorderpen/nochte zijn twee ghepractiseerde moorden aen Co-  
 ninck Don Antonio van Portugael/ niet willen laten gheschieden/ maer  
 2 heeft



heeft die moorden daer van wy hier schryuen zullen / belet deur die groote  
 wijsheyt ende voorzienicheyt des Prince van Orangie / zyn wonderlic in-  
 struiment / daer deur hy groote saken wil wt rechten op zyne aertbodem tot  
 den gheheelen val des Pausdoms. Dien voorsz. gheuen den Salcedo de  
 Galghe ontloope ghende wt de stadt van Rouaen na Spanien / om de qua-  
 de Munte die hy hadde doen slaen met zyn valsche Ghealumnist Gout ende  
 Zilver / is wederom wt Spanien ghecommen wonen in Lozeppen ende  
 van daer onlangs in Vranckrijcke / hem ghelal ende oft hy den Hertoghe  
 van Anjou (die nu vande Inwoonders der Nederlanden ghecozen was  
 tot eenen Hertoghe van Brabant / Ghelderlandt / etc.) goeden ghetrouwe  
 dienst wilde doen tot wederstant van zyne vyandē die Spaniardē / Wa-  
 len ende andere verraders des Vaderlands die ghehoemt werde Mal-con-  
 tenten. Zo hem Salcedo nu onder zulcken schyn int onzetten der Stadt  
 Carnetijck vande beleggeringhe der voorsz. vyanden / zeer valiant /  
 clout ende dapper hadde / heeft hy willen gheraken inde kennisse vanden  
 Hertoghe / als te staen naer een Colonelschap / ende is onder zulcken dech-  
 mantel mede ghecommen inde Nederlanden / ende heeft een bysondere ken-  
 nisse en gemeenschap gemaect met Graef Lamoralbus van Egmond. Mijn  
 Heere de Hertoghe als ooc mijn Heere den Prince van Orangie hebben daer  
 op een quaet bemoeden ghecreghē / ende voorsz. als mē aensiet de Vader-  
 liche goetherticheyt ende zonderlinghe vriendelicheyt door mijn Heere de  
 Prince den Egmont bewesen met toezegginghe van hem te bzinghen in  
 een bysondere liefde en gonsticheyt van den Hertoghe / daer deur hy zoude  
 na reden en recht behooren ghetrouwe te wesen den Hertoghe zynen Heere  
 ende de Vaderlande. Ende waert dat hem oock ymandt wilde pet anders  
 ter contrarie raden / hy behoorde dat te kennē te gheue / om dat hy voorsz.  
 hem zoude moghen een vaderliche sorghe draghen ende hem beschermen  
 teghē alle ongheluck dat hem deur quader raet zoude moghen toecommen /  
 ghelijck zynen Broeder daer deur toegecommen was / ende daeromme te  
 ghendt noch lach in vanghenisse / en zyn exel. zeer vriendelick begeerende  
 dat hy hem zoude zegghen de oorzaak vande zeer groote ghemeenschap / die  
 dien Spaenschē Salcedo met hem hielde. Egmont antwoorde ter geender  
 ander oorzaak dā om de Conste van Alcumie daer hy groote ghenoechte in  
 nam. De Prince van Orangie zeyde te duchten ende te zorgghen datter een  
 zeer quade en schadelicke Alcumisterie wt die ghemeenschap zoude volghē /  
 hem vermanēde in zyn ghedachtenisse te houden den schandelickē doot die  
 de Coninc van Spanien zynen Vader hadde aengedaē deur de Duc d'Alue /  
 deser ghelijcke vermaninghen en waerschuwinghen ghebeurde dicmaels /  
 maer al te vergheefs. Want zo de tonghe van dien Egmont het voorsz. geno-  
 men quaet (zo hy de Salcedo hadde beloofte) niet en wilde ontdecken / heeft  
 hem de Prince van Orangie ghebedē / den Salcedo dan niet te zeggē dat hy  
 pet van hem hadde ghesproken / het welcke Egmont vastelick ende op alle  
 trouwe beloofde te zwijghen. De Prince van Orangien en heeft hem noch-  
 tang op die belofte niet willen betrouwen / maer heeft ander raet en mid-  
 del



del bedacht om te beletten het groot quaet dat hy van verre zach aentcom-  
men/ende is den xiiij. ten dach der Maendt Julij met den Hertoge/met als-  
ken den staet van Heeren ende Edelen wt die Stadt van Antwerpē te sche-  
pe afgebarē naer de Stadt van Brugghe in Vlaenderē/ al daer hy aenghe-  
commen ende heerlick ontfanghen ende inghehaelt zijn den xvij. ten dach  
der zelver Maendt. De Egmont daer mede ghebracht zijnde/ is Salcedo  
noek daer ghecommen zoecende die ghelegghenheyt om zijn voorsz. eno-  
men moorden te volbringhen. Commende den xxi. ten dach der voorsz. de  
Maendt in des Hofs Sale. ende voorder deur andere camerē hy de Herto-  
ghe is hy aengegrepen ende vast ghehouden wordē. Bupten verhepden op  
den Salcedo eenē Italiaen en eenē Mal-contenten Wale/die de Prins van  
Parma hem tot zijnder hulpe ghezonden hadde om te volbringhen zijn  
aenghenomen moorderpen. Den Italiaen verlangende naer de weder wt  
comste van zynen Meester Salcedo/ heeft ghebracht aen eenen persoon  
die wt des Hertoghen camer quam/ of Salcedo noch daer binnen was/  
hem wert gheantwoort ia/ ende voorts ghebracht of hy den Salcedo  
wel kende/ hy antwoorde ooc ia. Dien persoon wederom binnenghegaen  
zijnde/ wert den Italiaen vreesende vooz. zwaricheyt en wilde wech bluch-  
ten/maer wert ghecreghen ende naer zynen name ghebracht/hy bat ter-  
stont om ghenade ende zepde dat hy ghenaeint was Francisco Baza. Als  
den Salcedo dien name ghezept wert/ en wilde hem niet kennē/maer ver-  
staende dat de Italiaen zijn voorsz. enoē moorderpen openbaerde/ zepde  
dat hy hem kende ende dat hy was een Mulettier oft Mulpdyrber en een  
leughenaer die niet te gheloouen en ware. Den Italiaen zepde dat hy den  
Salcedo wel zulke stucken van dese zake in zijn aenzichte soude segghen/  
dat men bevinden soude de waerheyt te zijn tghene dat hy openbaerde/ al  
soo ooc wel segghen soude den Malcontenten Wale constemē hem crpgen/  
maer dien was ghevlucht. Wat diē dach voorder daer in ondersocht ende  
bevonden wert/ sal metter tijt vooz. alle de werelt bekendt ghemaect wer-  
den. Den xxij. ten Julij wesende Sondach/quam de Prince van Orangie  
inde Predicatie in S. Donatianus Kercke ende ghinck daer ten Nacht-  
mael/ alwaer met hem gecommen was den voorsz. enoēden Egmont en-  
de hem bynaest alle maeltijden neffens hem tzijnder rechterhant ter tafelen  
dede sitten so langhe hy inde Stadt van Brugghe hadde gheweest. Den  
xxiiij. ten Julij/ wert den Egmont int Hof vanden Hertoghe ghebracht  
ende aenghetegghen dat hy beschuldicht was in die voorsz. enoēden moor-  
derpen/ende dat hy den Salcedo al hadde gheseyt tghene dat hy den Prin-  
ce van Orangie hadde beloofd te swyghen. Egmont hoozende dat Salce-  
do van hem hadde gheclapt/en zweech niet te clappen alle tghene dat Sal-  
cedo hem hadde ontdeckt. Hier deur zijn die voorsz. enoēden moorderpen noch  
openbaerder gheworden. Egmont was ghelogiert in het hups van den  
Schoutheit der Stadt van Brugghe/ dien wert nu belast hem wel te be-  
waren. Den xxviij. ten Julij wert den Italiaen Francisco Baza deur  
de ppne onderbracht/ daer in hy wonderlike saken heeft te kennē ghe-  
gheuen/die ons niet en betamen int openbaer te bringhen/maer laten dat  
de Quer.



de Ouerheyt doen. Den xxix<sup>ten</sup>. Julij heeft hy zyn bekentenisse selbe on-  
derteekent tot ghetuyghenisse dat warachtich was tghene dat hy hadde  
te hemmen ghegheuen. Den xxx. Julij smorghens ontrent den zeven uren  
heeft hy hem selven ghedoot met eē mes daer hy subtylic aē gherocht was  
stekende hem zelven eerst eenen steek in den buick byden navel/ende daer  
naer in zyn stincker borst.

**C** Smaendaechs den xxx.<sup>ten</sup> dach van Julius  
M. D. Lxxxij. wert ouer hem ghelesen dese sentencie ter presentie  
van mijn Heere den Hooch-bailiu ende mannen van Leene vande  
Burgh van Brugge.

### Sententie.

**G**ezien by de mannen van Leene vanden Hobe vander Burgh van  
Brugge/de preuue en informentie by henlieden ghehouden ten laste  
van Francisco Baza Italiaen/ criminelich ghehouden in vanghe-  
nisse vande Stede van Brugge/en bevonden by de zelue informentie  
dat den zeluen ghevanghen omme te outgaue schandaleuse ende behoorlic-  
ke straffe heeft hem zelven ghedoot dooz inflixie van twee wondē gemaect  
met eenen messe. Daer van dat d'eenē ende d'eerste was boven den Navel/  
ende d'ander ende laetste int Herte/ daer tmes noch bevonden wert tzyn-  
der aelijficheyt/van welken wonden hy ouerleden ende ghebleuen is ter  
plaetse. t Hof kennisse nemende ende doende recht op t delict gheschiet inde  
voorz vanghenisse/ heeft gherondemneert ende condemneert ter manin-  
ghe vanden Hooch-bailiu/dat tvoorz doode lichaem sal ghesleppt werden  
vande voorsz vanghenisse by de voeten langhs de trappen / om van daer  
voort ghesleppt te worden te peertsteerte rontomme de voorsz Burgh tot  
der Galghe plaetse/ al waer het sal gelebert werden in handen en ter wille  
vande hooghe Justitie/omme daer mede te doene zoot behooren zal.  
Doer naer wiert hy van den Scherprechter de trappen vande ghevan-  
ghenisse afghesleppt tot inde plaetse van den Burgh/ ende voorts te peert  
steerte ghesleppt rontomme den seluen Burgh/ al waer van wegghen der  
ooghe Justitie dese naer volghende sententie over hem wiert ghelesen.

### Sententie.

**T**usschen den Procureur Generael van den Hertogh van Brabant/  
ende Anjou/Graue van Vlaenderē/etc. Heerscher ende aenlegger in  
materie van Crime laxe Maiestatis ter eender zyde: Ende Francisco  
Baza ghebozen int Landt van Bresse/inde Jurisdiccie des Graef-  
schaps van Martinienghe / hem zegghende Soldaet vande Compagnie  
vandelichte peerden van Fernando Gonzaga in den Velt-legher des Co-  
nincx van Spanien beleedt by den Prince van Parma ghevanghen ende  
berweerer ter ander,

Ghtzien



Ghezien de Informatien ghehouden teghen denzeluen Baza/ zijn examinacien ende beleydinghen/ inidts gaders de examinacien en beleydingen van Nicolas de Salcedo/ en van Nicolas Hugot ghezept de la Borde zijn Complicen/ hun recolementen ende confrontacien/ het scherp examen van denzeluen Baza ter banck/ het recolement ende herhalinghe van diere ter zeluer banck ende daer byten: De Proceduren ghedaen by den mannen van Leene van den Burch van Brugghe op den manslacht byde voorszeden Baza ghedaen aen zijn eyghen lichame inde ghevanghenisse: De acte vande schauwinghe van zijn doode lichaem en vanden wonden inde vanghenisse: de Conclusien van den Procureur generael ende al datter diende ghezien te zyne.

De Commissarissen hier op specialick ghedeputeert by zijn Hocheyt/ hebben ghezept/ ghewijst ende verclaert/ zegghe/ wysen ende verclaren/ dat het lichame van den zeluen Baza zal ghelevert worden inde handen van den Scherprechter/ naer dat hy zal ghedaen hebben den ghelwoonelicke keer/ alzoot by de sententie van den mannen van Leenen voorszeyden gheoorbonneert is. Om als ghewroucht en verwonnen van den stucken ende crimen hem te laste ghelept (Selfs aenghenomen hebbende by moordadich affasinat ende venginghevinghe het leven te nemen van zijn Hocheyt ende van mijn Heere de Prince van Orangie by bevel en expresen laste van den voornoemden Prince van Parma) ghehanghente worden aen de Galghe/ ende daer naer ghedeelt te worden in vier quartieren op galgen die gherecht zullen werden op de vier principale poorten deser Stadt van Brugghe. Ende thoofst op een stake bouen Sinte Catherinen poorte in exemple van anderen: Verclarende zijn goeden gheconfisquiert. Gedaen ende gheuit te Brugghe den lesten dach van Julio/ Anno M. CCCC. Lxxij.

**D**ese voorgaende sententie ghelesen zijnde wert hy aen eene Galghe (daer toe opghericht) ghehanghen en ouer elke zijde aen zyne beenen gevesticht een bladt pampiers vol gheschreuen met groote Romeynsche letteren/ het eene in Francoische/ ende het ander in Vlaemische sprake/ inhoudende dit naer volghende.

Desen is Francisco Baza Italiaen, achterhaelt ende overvonnen van verraderye, ende aenghenomen te hebben te vergheven ende andersins te benemen het leven van syne Hoocheyt ende mijn Heere den Prince van Orangie deur bevel van den Prince van Parma, Generael van den Legher van den Coninck van Spanien.

Des



Dese gheschryften weder van zyne beenen afghedaen zijnde/ werden ghe-  
naghelt aen de twee recht staende pilaren vande Galghe/ ende hy wert ge-  
lept op een banche staende hooch op een Schautot ende in vier stucken ge-  
houwen/ het hooft met een ysere pinne deur slaghen/ ende so ghestelt bouen  
de principale poorten der Stadt van Brugghe.

Mijn Heere den Hertoghe is oock gheaduerteert dat int hof vanden Co-  
ninck van Brancrijck zynen broeder oock eenen schelme ghevanghen is  
suspect van dierghelijcke verraderischen aenslach.

Siet hoe wonderbaerlick dat God de Heere bewaert die hy teghen het  
moordadich boozneimen der Tyrannen bewaren wil/ maer het is te jam-  
meren ende te deeren dat die groote Potentaten/ dien het zweet van God  
ghegheuen is om den quaden te straffen ende den goeden te beschermen/  
om hare deucht/ vande arme verdruete ende ghetyranniseerde Inwoon-  
ders der Nederlanden te beschermen tegen die grouwelicke onverdzaghe-  
liche Spaensche Tyrante/ so langhe in groote sorghe leven moeten/ als  
dien Spaenschen Tyran leeft. Maer God den almachtighen regeerder sal  
hare personen bewaren als zijn instrumenten om zynen aertbodem te sup-  
veren van het Godloose Pausdom daer alle dese voorszgenomen moorde-  
rpen wt spruyten/ ende laten warachtich worden die Propheetien van die  
vermaerde Mathematicis Johannis Stadj ende Remberti Dodo-  
nai/ als dat Coninc Philips van Spanien wt alle zynen rijcken  
ende landen sal werden verjaecht ende daer naer van pe-  
nants handt faictelick werden ghedoot. Dit heb-  
ben sy bevonden wt zijn onghelucki-  
ghe geniture ofte ghe-  
boorte.



ighe  
et ge  
n ge  
ouen

i Co  
en is

n het  
iam  
God  
men/  
oon  
aghe  
/ als  
er sal  
e sup  
orde  
n die  
do